



# COMUNA DE DORGALI

PROVÌNTZIA DE NÙGORO

## DELIBERATZIONE DE SA GIUNTA COMUNALE

N. 6 DEL 08-02-2023

**OGETU:** Cuantificatzione de sas summas non sugetas ad esecuzione forzada pro su 1° semestre 2023

S'annu duasmigiavintitres sa die oto de su mese de freàrgiu a sas oras 16:45, in Durgali e in sa Domo Comunale, cunvocada a sos sentidos de lege, s'est riunida sa Giunta Comunale in sas persones de sos Sennores:

<b>Testone Angela</b>	<b>Sìndiga</b>	<b>P</b>
<b>Fancello Antonietta</b>	<b>Assessore</b>	<b>P</b>
<b>Ruiu Gianmaria</b>	<b>Assessore</b>	<b>A</b>
<b>Mele Sonia</b>	<b>Assessore</b>	<b>P</b>
<b>Loi Silvia</b>	<b>Assessore</b>	<b>P</b>
<b>Carotti Bernardino Luigi</b>	<b>Assessore</b>	<b>P</b>

Assistit a sa seduta su sutascritu Segretàriu Comunale, Dut. Francesco Rosario Arena

### SA GIUNTA

Premìtidu chi s'art. 159 de su D. Lgs. 267/2000 chi giughet “Normas subra de sas esecutiones chi pertocant sos entes locales” resat cantu sighit:

“1. Non sunt ammittidas protzeduras de esecuzione e de ispodessimentu fortzadu in sos cunfrontos de sos entes locales ante sugetos diferentes dae sos rispetivos tesoreris. Sos atos esecutivos s'in casu mai printzipiados non determinant vinculos subra de sos benes ogetu de sa protzedura espropriativa.

2. Non sunt sugetas a esecuzione forzada, a pena de nullidade, rilevabile fintzas dae ufitziu de su giùighe, sas summas de cumpetèntzia de sos entes locales destinadas a:

- pagamentu de sas retributziones a su personale dipendente e de sos òneres previdenziales chi nde cunsighent pro sos tres meses a pustis;
- pagamentu de sas ratas de mùtuos e de prèstidos obligatzionàrios chi si nch'iscadent in su semestre in cursu;
- sicumprimentu de sos servìtzios locales indispensàbiles.

3. Pro s'operatividade de sos limites a s'esecuzione forzada de sa cale a su comma 2 tocat chi s'òrganu esecutivo, cun deliberatziones de adotare-si pro cada semestre e notificadas a su Tesoreri, in antis fatzat su contu de sos importos de sas summas destinadas a sa finalidade numenada in subra.

4. Sas protzeduras esecutivas s'in casu mai aviadas in violatzione de su comma 2 non determinant vinculos subra de sas summas nen limitatziones a su traballu de su Tesoreri...(omissis)”

Fatu riferimentu a s'art. 1 de su D.M. 28.05.1993 chi annotat, a sos fines de sa no assogetabilidade a esecuzione forzada, sos servìtzios locales indispensàbiles de su Comunu chi resurtant sos chi sighent: servìtzios connètidos a sos òrganos istituzionales, de amministratzione generale, cumpresu su servìtziu elettorale, ufitziu tènicu comunale, de anàgrafe e istadu tzivile, istatisticu, cun sa giustìtzia, de polìtzia locale e amministrativa, de leva militare, de amparu tzivile, prontu interventu e amparu de sa seguridade pùblica, de istrutzione primària e secundària, necroscòpicos e de su campusantu, de distributzione de s'abba potàbile, de fognatura e depuratzione, de netesa urbana, de viabilidade e de illuminatzione pùblica;

Cunsideradu chi, pro s'operatividade de sos limites a s'esecuzione forzada de cale subra, estnetzessàriu chi s'òrganu esecutivo, cun deliberatzione de adotare cada semestre e notificada a su Tesoreri, in antis fatzat su contu de sos importos de sas summas destinadas a sas subra numenadas finalidades;

Bogadu a campu chi su contu de sas summas non sugetas a esecuzione forzada no est un'operatzione presa a su meru sebestu de sas summas de pagare ma connètida a sa netzessidade de preservare, dae cada

eventuale atacu, totu sas risorse finanziares de su cale a s'Ente at a disponnere in su semestre, finas a sa concurrèntzia de sas summas destinadas a su pagamentu de sos istipèndios, de sos mùtuos e de sos servìtzios indispensàbiles;

Retentu netzessàriu, duncas, providire in antis a fàghere su contu de sas summas non sugetas a esecuzione forzada pro su 1° semestre 2023 relativas a su pagamentu de sos emolumentos a su personale e de sos cunsighentes òneres previdenziales, de sas ratas de ammortamentu de sos mùtuos iscadentes in su semestre mentovadu, fintzas de sas summas destinadas giustu a su cumprimentu de sos servìtzios locales indispensàbiles, gasi partzidas:

Pagamentos retribuziones de su personale dipendente e cunsighentes òneres previdenziales	950.000,00
Pagamentu de ratas mùtuos e prèstidos iscadentes in su semestre in cursu	122.178,00
Cumprimentu de sos servìtzios locales indispensàbiles	3.000.000,00
<b>TOTALE PRO SU 1° SEMESTRE 2023</b>	<b>4.072.178,00</b>

Bidu s'art. 48 de su D. Lgs. 267/2000 e s'art. 23 de s'Istatutu comunale in vigore, chi pertocant sas competèntzias de sa Giunta Comunale;

Bidu su D. Lgvo N. 267 de su 18.08.2000, e mudas e integratziones imbenientes;

Bidos sos allegados parres favorèvoles espressados de su Responsàbile de su Servìtziu interessadu a sos sentidos de s'art.

49 de su matessi D. Lgs n. 267/2000;

Unànime

#### DELIBERAT

1. de cuantificare in bia preventiva, pro sas resones acraridas in premissa, a sos sentidos de s'art. 159 de su D. Lgs. 267/2000, sas summas non sugetas a esecuzione forzada relativas a su 1° semestre 2023, pro un'importu complessivu de € 4.072.178,00 comente sighit:

Pagamentos retribuziones de su personale dipendente e òneres previdenziales cunsighentes	950.000,00	920.000,00
Pagamentu de ratas mùtuos e prèstidos in iscadèntzia in su semestre in cursu	122.178,00	122.180,00
Cumprimentu de sos servìtzios locales indispensàbiles	3.000.000,00	2.200.000,00
<b>TOTALE PRO SU 1° SEMESTRE 2023</b>	<b>4.072.178,00</b>	<b>3.242.180,00</b>

2. De dare atu chi sos pagamentos relativos a summas diferentes de sas de cales in subra ant a acontèssere sighende s'òrdine cronològicu de retzida de sas fatturas e de sos providimentos dirigèntziales de licuidatzione;
3. de notificare su presente providimentu a su Tesoreri Comunale;
4. de dare atu chi sunt istados espressados sos parres favorèvoles allegados, a sos sentidos de su D. Lgvo N. 267/2000;
5. de rèndere esecutiva deretu sa presente, cun votazione unànime separada, a sos sentidos de s'art. 134, 4° comma, de su D. Lgvo n. 267/2000.

Letu, aprovalu e sutascritu.

Sa Sìndiga

F.to Dut.ra Angela Testone

Su Segretàriu Comunale

F.du Dut. Francesco Rosario Arena

#### ATESTATZIONES E PARRES

(a sos sentidos de s'art. 49 comma 1 de su D.LGS. 267 de su 18.08.2000)

**Pàrre in òrdine a sa Regularidade**

Èsitu: Favorèvole  
Data: 03-02-2023

SU RESPONSÀBILE DE  
SERVÌTZIU

**Pàrre in òrdine a sa Regularidade  
contàbile**

Èsitu: Favorèvole  
Data: 03-02-2023

SU RESPONSÀBILE DE SERVITZIU  
F.du Dut.ra Elena Rita Mereu

**TZERTIFICADU DE PUBLICATZIONE**

S'ATESTAT chi sa presente deliberatzione, publicada in s'albu pretòriu informàticu de custu Comune de su 09-02-2023 a su 24-02-2023, est istada trasmitida in còpia a sos Cabosgrupu Consiliari (a s'art. 125, c.1, de su D.Lgs 18/08/2000, n° 267) e at a èssere esecutiva su 08-02-2023:

Su Segretàriu Comunale  
F.du Dut. Francesco Rosario Arena

Sa presente còpia est cunforma a s'originale.

Attività realizzata con il contributo della Regione Sardegna-LR 22/2018, art.10